

續山東考古錄卷之六

滄州葉圭綬子佩甫述

泰安府上

泰安縣

周齊博邑又魯龍邑陽關邑謹邑蜀邑菟裘邑陽橋邑防邑又

鑄國

春秋哀公十一年左傳公會吳子伐齊五月克博按禮名山大川不以封泰山當周初必不隸侯國春秋齊魯以長城巨防為界泰山在長城南詩稱魯邦所瞻博邑在山南三十許里却屬齊齊魯遂界汶上疑後折入齊耳即漢縣

續山東考古錄

卷之六

泰安縣

一 蝸角尖廬

春秋成公二年左傳齊侯圍龍杜注在博縣西南水經注汶

水自博城東又西南逕龍鄉故城南按據此龍城當在汶右岸縣

志圖及張廷模泰安縣圖此城在汶左岸志云縣東南五十

里大汶口東十餘里有城基俗曰鄉城即龍城與酈注杜注

皆不合此處汶水本非故道詳水考侯再考 史記功臣表有龍侯陳畧

水經注謂即龍城而漢書表作龍陽又有龍侯摎廣德史記

表作龍亢王念孫曰史表是

陽關故城在東南六十里今陽關村春秋襄公十七年左傳

逆臧紇自陽關

春秋桓公三年齊侯送姜氏於謹杜注蛇邱縣西有下謹亭

水經注虵水又西南逕夏暉城南經書公會齊侯於下謹是

也按據此謹城當在今大會河西與北又當在小會河東溝

逕其西也縣志下謹城在西南一百十里有下暉村其圖與張圖

此城在大會河東名謹莊與酈注杜注皆不合俟再考

春秋成公二年楚侵魯及於陽橋遂盟於蜀杜注博縣西北

有蜀亭陸澄曰博縣有陽橋今皆未詳其地

菟裘故城在東南 里今婁德鎮春秋隱公十一年左傳

公使營菟裘吾將老焉杜注在梁父縣南後漢志梁父有菟

裘聚水經注汶水篇淄水出梁父縣東西南流逕菟裘城北

又逕梁父縣故城南菟裘北即梁父南故不云又西又西南逕柴縣故城北

續山東考古錄 卷之六 泰安縣 二 蝸角尖廬

按據此是菟裘在梁父城南今小汶南岸柴城村東北元和

志稱在泗水縣北五十五里今婁德鎮在小汶南淄今名濁河與小汶

合流入汶羊祜城即梁父城隔小汶在其北柴城村在其西南泗水縣

在其南五十許里鎮有孫觀墓碑云葬菟裘東節義鄉仁里

之原觀宋泗水縣人可為明據通志稱在泗水西十五里誤

魯防邑凡五而臧氏之防杜注無明文考春秋襄十七年齊

高厚圍臧紇於防師自陽關逆臧孫魏志博平鉅平兩縣皆

有防城蓋在兩縣界上即魯臧氏防矣宣叔娶鑄地本相近

史記周武王封堯後於鑄春秋襄公二十三年左傳臧宣叔

娶於鑄杜注今虵邱縣治路史謂即祝誤會樂記鄭疏祝或為鑄之文也

後漢志奉高縣劉昭注左傳昭八年大蒐於紅至於商衛紅亭在縣西北杜預曰接宋衛也按杜注紅魯地沛國蕭縣西有虹亭遠疑不云在奉高劉氏於沛國虹縣亦引蒐紅可知並無確見矣 春秋僖公元年左傳公賜季友汶陽之田杜注汶水北地寰宇記謝過城在汶陽田齊以此歸魯謝過故有城存按汶陽似非邑名但地歸人而築城恐無此理則此城或護守此田者有城則汶陽亦邑矣近志此城在東北十五里與水經注蛇水逕汶陽田不符張圖汶北有汶陽城以爲漢縣非是或卽謝過城歟

史記楚漢之際月表濟北王田安都博陽通鑑胡注正義曰

續山東考古錄

卷之六

泰安縣

三 蝸角尖廬

博陽在濟北班志太山郡盧縣濟北王都豈博陽卽此地耶今按濟北有博關博陽蓋博關之南也又漢四年田橫走博陽注此據史記也班書作橫走博博陽近清河博關此正韓信自趙進兵之路臨淄旣破君相皆出走其後韓信旣虜田廣於濰水灌嬰又敗田廣於嬴下嬴縣亦屬太山郡此博陽卽博城之陽按班志濟北王都乃文帝前元年分齊置濟北王劉興居所都自春秋迄漢盧未改名似非博陽漢書灌嬰傳云追齊相田橫至嬴博又云攻下嬴博則史記田橫所走之博陽卽博無疑漢六年以膠東膠西臨淄濟北

曹參傳還定濟北郡

蓋三齊并爲一改國爲郡也師古注云博陽城陽郡七十三時未有濟北郡史追書之偶未考耳

縣立子肥為齊王此濟北博陽非一地之證胡注博陽於秦漢兵爭之時亦

嘗置郡按博陽本濟北王都疑田榮并濟北分為兩郡鄒陽傳城陽顧於盧博孟康曰

盧博濟北王治處此盧博為兩縣又博陽即博之證濟北初都博而

後都盧故兼舉之其實治博而非博灌嬰傳又云齊地已定

嬰別將擊楚公杲於魯北破之轉南破薛郡長身虜騎將入

攻博陽可見博之外又有博陽要在博縣南不遠胡氏謂即

博城之陽近是

漢兖州泰山郡初屬濟北國武帝時屬朝廷漢地志郡為高帝置而郊祀志稱武

帝時濟北王獻泰山旁邑五嶽始皆在天子之郡則前屬濟北國矣治奉高縣武帝始置此縣以前泰山郡疑治博

也又博縣柴縣梁父縣鉅平縣蛇邱縣

續山東考古錄 卷之六 泰安縣 四 蝸角尖廬

奉高縣故城在東五十里今東故縣莊水經注汶水出原山

西南過羸縣南又東南過奉高縣北縣北有吳季札子墓在

汶水南曲中季札之聘上國喪子羸博之間即此處也從征

記曰羸縣西六十里有季札兒冢汶屈從縣西南流縣志羸

城在東五十里下云據水經注汶水出萊蕪原山西南過羸

縣南計原山至此百許里何獨不詳所經且羸博奉高三邑

皆在三四十里內今萊蕪縣北不置一縣亦非漢時牙錯棊

置之制且從征記云羸縣西六十里有季札兒冢今羸距博

三十餘里安得其西六十里為羸博之間乎則羸城應在萊

蕪明矣此城宜為奉高故城原志所謂奉高城本漢志有明

堂在西南四里今按漢明堂東北皆山谿危徑無可築城之地茲仍原志而存是說按此說最允羸縣卽萊蕪城子縣東故縣在其西南五十許里卽奉高城甚明應劭漢官儀云馬第伯封禪記二十二日晨燎升山封畢詔百官以次下半夜後到明日上壽賜百官省事省畢發暮宿奉高三十里後漢書章帝紀元和二年二月辛未幸太山柴告岱宗進幸奉高壬申宗祀五帝於汶上明堂如奉高明堂在山下不得以進幸書矣明堂自在汶水上太平御覽引齊記云羸博二縣共界漢去山麓數十里也

武帝封禪割置此縣以供祀太山故曰奉高治嶽東北四十里山海經郭注泰山在奉高縣西北此東北當作東南據二書奉高城所在較然明白

今山東麓至東故縣三十餘里各舉成數故里數小異原志

續山東考古錄

卷之六

泰安縣

五 蝸角尖廬

不可從也若汶水自羸趨奉高乃西南流而經云東南今汶逕奉高南而經注皆云過奉高北蓋縣東北仙臺嶺有水東南流至東故縣西屈而西南流與汶合名天津河通志以爲

汶之正源

水出泰山謂之汶此說正自不謬

古汶蓋先與此水合屈而東南

過奉高西北季札兒冢卽在此曲中後改道而南此水遂於奉高城西南入汶縣志或疑於此改東南作西南非也若奉高城果在今所謂漢明堂東北四里則汶必逆上泰山方能逕其北季札兒冢且在泰山上矣驗之今固無其蹟推之古距有是理耶然則奉高卽東故縣無疑矣紀要奉高城在縣東北十七里第從漢志計之耳又考漢書郊祀志初天子封

泰山泰山東北陞古時有明堂處處險不敞上欲治明堂奉高旁未曉其制濟南人公玉帶上黃帝時明堂圖明堂圖中有一殿四面無壁以茅蓋通水水圜宮垣云云於是上令奉高作明堂汶上如帶圖據此是武帝方以古明堂險阻不宏敞斷無仍作於險狹處之理且明堂作於奉高旁汶水之上今所謂漢明堂者正在險狹之處南去汶水甚遠與此志種種不合據水經注環水合北汶後通稱環水又東南流逕南明堂下漢武帝云云引漢志見上古引水爲壁雍處基瀆存焉又東左合汶水互詳水考是園宮之水卽北汶其地濱北汶可知特古北汶合環水東逕博縣北又東合大汶大汶方西南逕徂

續山東考古錄

卷之六

泰安縣

六 蝸角尖廬

徂山西博城東與今迴異其故道合大汶處今不可考故漢明堂故址愈難確指酈注稱南明堂則必指古明堂爲北明堂今所指漢明堂倘卽北明堂乎近志此明堂之東北又有周明堂稱漢稱周者不知何有依據余謂周明堂當在故縣西南備志所見俟考

博縣故城在東南三十里今舊縣村

柴縣故城在東南九十八里今柴城村

梁父縣故城在東南九十里今羊祜城據水經注梁父城在淄水之北通典泗水下漢梁父故城在縣北元和志泗水縣梁父山在北八十里西接徂徠山今羊祜城在小汶北徂徠

山南羊祜城北卽梁父山南去泗水縣八十里可驗也與諸
近世統名徂徠山遂以隋梁父縣北一山當之
書吻合羊祜卽梁父音訛耳

鉅平縣故城在南徂東五十里近志謂在寧陽非是

蛇邱縣故城在西南 里據水經注蛇邱城在蛇水東汶

水第逕其南境不逕其城下今大會河發源入汶皆在縣境
或謂蛇邱城在今肥城非是縣西南六十里有西故縣莊近志無考及者縣西南除蛇邱外

自漢迄今無他縣治但在蛇水西未敢逕斷

後漢兗州泰山郡治奉高縣博縣梁甫縣鉅平縣濟北國蛇邱
縣魏晉因之南燕慕容德兗州或治梁父劉宋同晉

後漢晉皆有鉅平縣補三國志無之考劉宋志泰山太守下

續山東考古錄

卷之六

泰安縣

七 蝸角尖廬

云永初郡國無鉅平縣洪氏本此越典午而同寄奴恐不然
後魏兗州泰山郡治博平縣及奉高縣鉅平縣梁父縣濟州東
濟北郡蛇邱縣

隋志博城下舊置泰山郡後齊改郡曰東平是後魏泰山郡
已治博平矣

魏志鉅平治平樂城有鉅平城平樂城今無考

魏志梁父有梁父城徂徠山在北疑徙治卽岱山城

高齊兗州東平郡治博 縣及梁父縣岱山縣周因之

隋志博城舊曰博按後魏名博平不名博或齊復名博歟闕
之俟考又云併博陵牟入焉按後魏無博陵縣未詳

岱山縣故城在東南七十里俗曰安固寰宇記廢岱山縣在乾封縣東南四十里依徂徠山北齊於此置隋開皇三年廢為奉高縣按蓋齊廢奉高縣改後魏梁父為岱山隋初又改名奉高隋志云有奉高縣開皇六年改曰岱山樂史失載六年改岱山隋志失載三年改奉高張圖岱山城北依徂徠山

梁父山在徂徠東蓋統稱徂徠由來久矣

隋兗州魯郡博城縣梁父縣開皇初廢東平郡三年改岱山曰奉高

六年復故十六年改博曰汶陽尋改博城大業初省岱山入之隋志博城下大業初州廢按隋初廢東平郡縣隸兗州時州治琅邱州廢與縣無涉五字似衍

續山東考古錄

卷之六

泰安縣

八 蝸角尖廬

隋梁父縣故城在東南九十里小汶南寰宇記廢梁父縣在乾封縣東南五十九里隋開皇二年移梁父縣於此接近世所謂漢梁父縣城即此城也

唐河南道

兗州魯郡

乾封縣及泗水縣地

徂徠以南皆是隋梁父未省故不書

武德五

年於博城置東泰州并置岱縣貞觀元年州廢省梁父羸肥城岱四縣入焉長安元年更名乾封總章元年復名博城神龍元年仍改乾封元和十七年省萊蕪縣入之即後魏羸縣詳萊蕪太和五年復析置五代因之

寰宇記唐武德七年移梁父縣入博城置然則東泰州是時有博城梁父兩倚郭縣矣 岱縣當仍岱山舊治

元和志乾封元年析長安以置乾封長安元年廢乃於岱山下改博城爲乾封乾封長安二縣下此文同新舊唐志並以爲乾封元年博城更名乾封今不從

宋京東西路襲慶府奉符縣及泗水縣地大中祥符元年改乾封爲奉符宋猶書泗水地據寰宇記泗水梁父城也金以後未詳何時割到

宋志奉符本漢乾符開寶五年徙岱岳鎮按當作本唐乾封

水經注岱山有上中下三廟元和志岳廟在乾封縣西北三

十里泰山之南按此卽下廟所謂岱岳鎮也卽今治 紀要

大中祥符初改曰奉符又築新城在今治東南三里府志沿革作三

十里城池志作三里而以岱岳鎮爲舊城

續山東考古錄

卷之六

泰安縣

九 蝸角尖廬

金山東西路泰安州治奉符縣初於縣置泰寧軍大定二十二年升泰安州

紀要金還治岱鎮

顧氏本泰山志未詳志所本姑從備考

元直隸都省山東泰安州治奉符縣州初屬東平路至元五年析隸省部

明山東布政司濟南府泰安州洪武初廢奉符縣其地直隸於州來屬

國朝山東布政司泰安府治泰安縣初因明舊雍正二年州直隸布政司十三年升府置泰安縣爲府治

縣志

道光八年修知縣徐宗幹

沿革表漢奉高博兩縣地按古蹟有梁

父鉅平柴蛇邱等城不止兩縣地 古蹟羊祜城即晉南
城羊祜封邑按南城在賈縣

新泰縣

周魯平陽邑

春秋宣公八年冬城平陽杜注今泰山有平陽縣

漢兗州泰山郡東平陽縣 河東郡有平陽縣故此加東 後漢省魏復

東平陽縣即今縣治城南有遺址劉宋志魏志新泰下並云

魏置言魏復置東平陽非已改新泰也舊唐志新泰下漢東

新泰縣晉去東字誤甚紀要稱故城在縣西非是

晉兗州泰山郡新泰縣初曰平陽後改

續山東考古錄 卷之六 新泰縣 十 蝸角尖廬

元和志新泰縣魯平陽邑也晉武帝泰始中鎮南將軍羊祜

此縣人也表改爲新泰縣按不書漢縣似晉改魯邑名矣不

合改名水經注在元康元年未知孰是考羊祜傳祜南城人

武帝詔以泰山之南武陽牟南城梁父平陽五縣爲南城郡

封祜爲南城侯置相與郡公同祜讓不拜新泰與南城中隔

南武陽下等縣地唐新泰亦不能有南城地考後漢書羊續

爲泰山平陽人祜即續之孫蓋其後遷於南城逕以叔子爲

新泰人顯與本傳不合 山東運河備覽東平陽後漢省入南城誤由元和志

劉宋徐州東安郡新泰縣 後魏東安郡新泰縣後魏置與此非一縣也

後魏北徐州東泰山郡新泰縣兗州魯郡汶陽縣地 魏志汶陽有新甫山

高齊北徐州

郡新泰縣省東安郡新泰縣入之

詳蒙陰

周屬

沂州

郡東泰山郡未詳何時廢齊周新泰未知屬何郡

隋

沂州新泰縣及

兖州魯郡泗水縣地

通考泗水有新甫山

唐河南道

沂州

新泰縣武德五年屬莒州貞觀八年來屬又

兖州魯郡泗水縣地五代因之

宋京東東路

沂州

新泰縣及

兖州魯郡

泗水縣地

金山東西路泰安州新泰縣及兖州泗水縣地

元直隸都省山東泰安州新泰縣至元二年省入萊蕪三十一

年復元初析置行新泰縣

後改蒙陰詳蒙陰

今蒙陰自高齊迄金大約皆新泰地而新泰新甫山以西則

續山東考古錄

卷之六

新泰縣

十一

蝸角尖廬

皆泗水地元復置蒙陰縣境與今同矣

明山東布政司濟南府泰安州新泰縣

國朝山東布政司泰安府新泰縣初因明舊雍正十二年屬泰

安直隸州十三年州升府仍舊屬

縣志

乾隆四十九年修知縣江乾達

沿革元魏蒙陰併入新泰魏書孝

武析沂水置新泰北齊復置蒙陰尋省入新泰按此因隋

志新泰下後齊廢蒙陰入焉一語想當然而杜撰者元魏

固無蒙陰尤無沂水其誤又因元和志沂水即新泰之文

詳蒙陰

隋代忽敘入沂水沿革尤謬

萊蕪縣

周齊羸邑平州邑又牟國

春秋桓公三年公會齊侯於羸杜注齊邑今泰山羸縣

又宣公九年公會齊侯於平州杜注齊地在泰山牟縣西漢

書高惠高后文功臣侯表有平州侯昭涉掉尾元狩五年免

景武昭宣元成功臣侯表有平州侯王啖下有梁父字蓋昭

涉掉尾免後又封王啖漢為梁父縣地晉屬牟縣也魏志牟

縣有平州城

周書史記篇穆王召左史戎夫取遂事之要戒以下所言國名有平州或即此平州也備考

又桓公十五年邾人牟人葛人來朝杜注牟國今泰山牟縣

漢兖州泰山郡羸縣牟縣及萊蕪縣地梁父縣地後漢因之後

漢末分泰山置羸郡旋廢魏晉因之晉牟縣或作東牟

續山東考古錄

卷之六

萊蕪縣

三

蝸角尖廬

羸縣故城在西北四十里今城子縣括地志羸縣故城在博

城縣東北百許里此城在原山西南汶水北與水經注合

引

泰西南去博城里數相符為羸縣故城無疑

唐初屬博城故括地志云然

牟縣故城在縣東二十里

縣北抵原山有萊蕪地矣平州漢梁父地晉雖屬牟縣縣西

境仍有梁父地

補三國志羸縣下蜀志糜竺傳為羸郡太守注載魏武表云

泰山郡界曠遠權時之宜可分五縣為羸郡

羸縣外餘四縣今不可考蓋

後旋廢也

據杜預說

見前

晉牟縣並未改名東牟也宋魏志皆無晉改東

牟之說况牟國本在此齊遷之今福山及寧海州地遂稱東牟無改牟爲東牟之理考東牟縣後漢廢晉會置東牟郡或亦會復置東牟縣晉志不載置東牟郡而此縣書東牟疑有誤乃補三國志此縣改書東牟縱晉果改似不可以例魏劉宋兖州泰山郡羸縣牟縣後魏因之

劉宋省萊蕪縣其地析入羸牟貝邱三縣

詳博山

後魏羸縣故城在北八十里今文字城魏志羸有羸城元和志萊蕪縣後魏移古羸縣於此又云韶山在縣西北二十里今韶山一作杓山在文字城西北二十里其明證已舊唐志以爲

古萊蕪城誤 魏志牟縣有牟城未詳移治何所

續山東考古錄

卷之六

萊蕪縣

三 蝸角尖廬

高齊兖州東平郡羸縣省牟縣入博 縣周因之

隋 兖州魯郡羸縣開皇十六年析博城置牟城縣大業初省入羸縣

唐河南道 兖州魯郡萊蕪縣貞觀元年省羸縣入博城長安四年於

後魏羸縣城復置萊蕪縣元和十七年省入乾封太和五年復五代因之周顯德元年以萊蕪監置貫利軍六年仍爲監

新唐志萊蕪下本隸淄州武德六年省入博城按舊唐 元

和志並稱貞觀初省羸入博城長安四年又於廢羸監置萊蕪縣萊蕪自劉宋省迄隋未復新唐志乾封下亦稱貞觀元

年廢羸入博城蓋因萊蕪故城隋唐以來隸淄川而誤通志稱武德四年省羸入博城調停兩說而無的據反與兩說

皆不合矣

萊蕪監故城卽今縣治寰宇記萊蕪監在萊蕪縣界古鐵冶

之務也

漢羸縣有鐵官。鹽鐵官例不書獨書此者以其爲今縣城也。管一十八冶縣監不

相統又云礦坑阜在監北五里卽今縣北五里之礦山也魯

西冶在監西三十里卽今縣西三十里魯西集也東有汶陽

冶今縣東有汶洋保南有汶南冶今縣南有汶南保可證也

宋京東西路襲慶府萊蕪縣

金山東西路泰安州萊蕪縣

一統志金廢萊蕪監縣徙今治當在此時舊說今治卽唐宋

萊蕪縣非也

續山東考古錄

卷之六

萊蕪縣

古 蝸角尖廬

元直隸都省山東泰安州萊蕪縣

明山東布政司濟南府泰安州萊蕪縣洪武元年直隸濟南府

二年屬

國朝山東布政司泰安府萊蕪縣初因明舊雍正十二年屬泰

安直隸州十三年州升府仍舊屬

縣志

康熙知縣葉方恒年修

沿革羸魯邑誤

歷代皆云是時與

邑並建者某某縣唐則乾封宋則奉符金則奉符新泰元

則奉符長清旣非縣境又非州郡全境殊不可解 古蹟

牟北魏省入羸博城俗名城子縣並誤

肥城縣

古肥國遂國周入齊又齊平陰邑棘邑京茲邑

應劭漢書注肥城古肥子國按肥國不見於春秋戰國時樂正子春謂其弟子曰子適齊過肥肥有君子焉其時或自國或齊邑不可考矣即漢肥城縣

遂國故城在南四十里今清泉驛宋安寧鎮春秋莊公十三年夏

齊人滅遂杜注在蛇邱縣東北水經注溝水出馬山西南流

逕棘亭南南去汶八十里又西南逕遂城東地理志曰蛇邱

隧鄉故隧國也此郡國志非地理志京相璠曰隧在蛇邱東北十里杜

預亦以為然縣東北無城以擬之今城在蛇邱西北蓋杜預

傳疑之非也又西逕下謹城西按溝水今小會河土人猶名溝水河通

續山東考古錄

卷之六

肥城縣

五 蝸角尖廬

志以為俗名非發源縣西四十里馬頭山即馬山南流逕清泉驛城

東即道元所謂遂國矣史記正義故遂城在龔邱縣西北七

十六里里數正合或謂在今寧陽西北史記齊桓公五年伐

魯魯將師敗魯莊公獻遂邑以平按據此似遂早滅於魯者

或魯先得其旁邑歟左傳昭八年史趙曰舜重之以明德寘

德於遂遂世守之蓋夏時舊國

春秋成公三年叔孫僑如帥師圍棘杜注汶陽田之邑在蛇

邱縣按棘蓋齊邑魯圍之如晉圍葛矣傳曰取汶陽之田棘不服圍之但今

馬山南至汶尚無八十里棘在馬山南且汶陽田邑至汶似

不能八十里疑有誤今未能確指姑係此備考舊係泰安

平陰故城在西北六十里春秋襄公十八年左傳晉伐齊齊侯禦諸平陰塹防門而守之廣里杜注平陰在盧縣東北其城南有防門於門外作塹橫行廣一里後漢志盧有光里今有廣里鋪蓋後人以名地非古邑名水經注京相璠曰平陰在盧縣西南十里城南有長城道所由名防門去平陰三里紀要以防門為魯臧氏防邑此齊地非是杜說誤又中軍克京茲杜注在平陰西南亦在縣西境

漢兗州泰山郡肥成縣及富成縣地後漢省肥城析入蛇邱盧縣魏晉因之

肥成縣即今治水經注泌水出肥

脫城字

縣東北自源西南流

逕肥城縣故城南左逕句窳亭北按泌今康河發源縣東北

續山東考古錄

卷之六

肥城縣

六

蝸角尖廬

西南逕城南又西南逕鳳皇山西山即句窳亭地後魏復置

曰治肥城

魏志

元復置曰於舊城設雖屢經廢置治未改紀要

稱故城在縣西誤

魏志富成有左邱明冢今在縣境

後漢書章帝元和二年鳳皇集肥成句窳亭魏志肥城後漢屬濟北晉罷是後漢魏並有肥城明證而後漢志無此縣或章帝後省安順後復歟姑從俟考 又宗室四王三侯傳光

武以章少孤試守平陰令章懷注平陰縣屬河南郡應劭曰在平津南故曰平陰在今洛陽縣東北濟州平陰縣東北五里亦有平陰故城按章所守者自是河南平陰注兩存濟州平陰故城豈不知隋以前此平陰未置縣耶唐平陰即今平

陰古平陰去彼不止五里 補十六國志前趙祝阿下晉書
載記曹疑遂略地西下祝阿平陰按平陰此時非縣當屬盧
縣平陰城耳

劉宋兖州濟北郡治肥城故城仍為盧虵邱富成地

劉宋無肥城縣隋志肥城下云宋置濟北郡宋書太始三年
肥城等戍皆不附於魏蓋為郡治未置縣也

後魏濟州東濟北郡治肥城縣孝昌三年置郡

郡本宋有益魏郡治盧子城此

加東字耳又兖州東平郡富成縣地高齊併郡於濟北郡

宇文周濟州肥城郡治肥城縣建德七年置郡尋廢又復

寰宇記混入後魏濟州治詎知一為漢肥城一為漢茌平耶

續山東考古錄

卷之六

肥城縣

七 蝸角尖廬

隋濟

州北郡

肥城縣及平陰縣地開皇中廢肥城郡來屬隋亂廢

元和志平陰縣隋於今縣西北二十八里置榆山縣大業二
年移於今理仍改名平陰通志今平陰西北無城以當之惟

肥城縣有榆城鄉縣南有紫榆山肥城本由平陰析置即隋

縣之故址也按平陰西北去黃河十里河北不惟無榆山城

並無榆山今肥城西南二十八里有古城俗曰晒書城

俗傳孔子

晒書處

在城南二十五里紫榆山南似即隋縣城也後以去肥

城較近又徙今平陰耳元和志疑有誤通志以為今肥城非

唐乾封龔邱平陰縣地武德五年復置肥城縣貞觀元年省析

入博城平陰

寰宇記平陰有故肥城

五代因之

宋奉符縣地平陰縣地金因之

元都省山東濟寧路肥城縣至元中復

元志肥城下至元十三年以平陰之辛寨鎮東北十五里是當

二十五里舊城改設今縣平陰下云至元十三年以縣之辛寨孝

德等四鄉分析他屬明年改寨為肥城作中縣然則置縣在

十四年矣

明山東布政司濟南府肥城縣洪武元年屬濟寧府二年來屬

附洪武初置肥城千戶所

國朝山東布政司泰安府肥城縣初因明舊雍正十二年屬泰

安直隸州十三年州陞府仍舊屬裁千戶所

續山東考古錄

卷之六

肥城縣

六 蝸角尖廬

縣志

康熙十一年
修知縣伊任

沿革夏兗州之域按縣為禹貢徐州地

春秋齊地戰國屬魯按春秋戰國當皆齊地惟遂似曾

屬魯 誤以後魏東濟北郡為治碭碭 誤以肥城縣

為周復 誤以隋濟州為今濟寧州